



**DE VITA || ET MORIBVS IGNA-||TII LOIOLAE,|| QVI
SOCIETATEM IESV || fundauit, Libri III.|| Auctore Ioanne
Petro Maffeo, pres-||bytero Societatis eiusdem.|| Ex
auctoritate superiorum.||**

Maffei, Giovanni Pietro

Köln, 1585

VD16 M 110

De Iulij III. obitu, & de Marcelli II. in Ignatiu[m] nostrosq[ue] benevolentia.
Ca. XXII.

[urn:nbn:de:hbz:466:1-68259](https://nbn-resolving.de/urn:nbn:de:hbz:466:1-68259)

lis in Societatem impetus & conatus
eo deniq; recidisse, ut cum maximè no-
stros, opinionis errore deceptus, ex v-
niuersa Hispania pulsos cuperet, tunc
ipsum in sua Toletana metropoli do-
mum illis exstrueret, ornaretq;. Ejus-
modi fuit igitur Hispaniæ illius pro-
cellæ transitus. Ac pari felicitate in a-
lijs quoque prouincijs coortæ in nos
tempestates, Ignatij lenitatem, prudentiam
que sedatae sunt: ac Dei beneficio ubiq;
fere Societas maiora in dies incremen-
ta capiebat.

*De Iulij III. obitu, & de Marcelli II. in
Ignatium nostros q̄ benevolentia.*

Cap. XXII.

Inter hæc Iulius anno Pontificatus
quinto demoritur: cui Marcellus
Ceruinus Politianus ingēti bonorum
omnii gaudio suffectus est. quidquid
enim erat spei de publicis rebus, id pœ-
nè totum eius Pōtificatus annis vulgo
desponderant. Ad hunc Ignatius pro-
vetri familiaritate cū adorandi & gra-
tulandi causa venisset, arctè amplexus
hominē Pōtifex, & suauissimè exoscu-
la-

latus, multa cum eo in ambulans defi-
dei Christianæ propagatione, deq; re-
stituenda Ecclesiastica disciplina serio
contulit: atq; ob id ipsum nonnullos
ab eo petiit viros, quos haberet apud
se consilij causa. Cæterum in primis di-
lexit Iacobum Lainem, & Martinum
Olauium, quorum videlicet vtriusq;
virtutem ac sapientiam optimè noue-
rat. nam de Francisco Xauerio, cuius
fama, rebusq; gestis valde permoueba-
tur, iam ante exorauerat, ut illum om-
nino Romā ex India reuocaret: quod
tanti viri videndi, ruendiq; in eius am-
plexum miro quodam desiderio tene-
retur, quinetiam nostros quotquot ea
tempestate Romæ versabantur, ad se
in palatium adduci iusserat: quod ha-
fæ copiolas recensere, & singulos co-
rā quasi bonus imperator milites vel-
let inspicere. deniq; multis de nostra
Societate verbis vltro citroq; habitis:
Tubellatores (inquit Pontifex) confi-
ce; nos vtemur. Cùm ab eo congressu,
alijsq; deinde colloquijs latus admo-
dum discessisset Ignatius, & optima
spe Societatem implesset, breui ca læti-
tia

tia cunctis euanuit. si quidem Marcel-
lus altero & viceſimo die quam Ponti-
fex declaratus fuerat, febri extinctus;
ingenti omnium luctu Christianam re-
publicam orbam ac debilitatam reli-
quit.

Ignatij obitus. Cap. XXIII.

SVcessit Marcello Paulus eo no-
mine quartus, qui, cum propter non
nullas interpositas offensiones acerri-
mus nostri ordinis inimicus fore puta-
retur, hominum opinionem longe fe-
fellit. Nam & in Ignatium ipsum, cun-
ctis admirantibus, perhonorificum se-
ſe præbuit; & Societatem multis rebus
decorauit, auxitque; & nostrorum ho-
minum opera maximis in rebus Eccle-
ſiae plurimum uſus est: & de fundando
collegio seu academia, quam in Vrbe
Ignatius magno reipublice Christianæ
bono instituerat, serio cogitauit. Hunc
Pontificem inter & Philippum Catho-
licum Regem exorto graui & pericu-
loſo bello, quod breui deinde compo-
ſitum est; cuncta misceri, compleri ar-
matis Vrbs; tympanorum, actormen-
R torum